

幽途遍該含識陰陽臣佐山川職寮弘道安
人誅邪祐正俱昇福岸齊契道階上明
天尊私慈之施下副日等虔奉之誠謹啓以
聞

發願

- 一願乾坤明素
- 二願氣象清玄
- 三願聖人萬壽
- 四願化洽八埏
- 五願天垂甘露
- 六願地發祥煙
- 七願四時應節
- 八願萬物生全
- 九願家多孝悌
- 十願國富才賢
- 十一願賢官獲福
- 十二願學道成仙

復爐

香官使者左右龍虎君侍者諸靈官當令臣
行香之所自然生金液丹碧芝英百靈聚其
交會在此香火爐前令臣學道得道求仙得
仙齊主受福存歿沾恩令臣所啓之言速達
徑御
太上無極大道無形無名虛無自然金闕玉
陛下

出戶

太上黃籙齋儀卷之三十一



太上黃籙齋儀卷之三十二

唐廣成先生杜光庭

三元清旦行道

入戶

各禮師存念如法

衛靈

- 金真綠霞 煥映三天 飛雲丹霄
- 諸天控駟 晨輝啓旦 陰曆俱捐
- 九微震空 五星回旋 萬仙應感
- 自然妙玄 杳冥散景 分形億千
- 寶珠光曜 瑞降壇乾 生死蒙惠
- 灌鍊金泉 魔王恐懼 合景三田

鳴法鼓二十四通

無上玄元太上道君召出臣身中三五功曹
左右官使者侍香金童傳言散花玉女五帝
直符直日香官各三十二人出出者嚴裝關
啓玄壇天帝神君當召此間土地里城真官
正神願得玉清道悉靈寶妙光下降流入日
等身中令臣所啓速達徑御
太上無極大道無形無名虛無自然金闕玉

陛下

各稱法位

具位 等謹同誠上啓

虛無自然元始天尊無極大道太上大道君
太上老君昊天玉皇上帝十方已得道大聖

衆至真諸君丈人三十六天帝君玉虛上帝
玉帝大帝東華南極西靈北真玄都玉京金

闕七寶玄臺紫微上官靈寶至真明皇道君
五老上帝三元君天地水三官三十六部尊

經玄中大法師三界官屬一切真靈 等伏

聞天地之前元始布無為之化混茫之首真
人垂廣濟之科由是分氣象於三元播弘慈

於萬物命三官以考校俾五帝以君臨懲勸
無私恩福遐被 夙承道塵運偶玄休參佩

寶文披閱靈奧志惟敷揚大化匡國濟人八
節三元立功爲本今屬 元令節齋戒良辰

謝過祈恩宜申虔懇況奉詞旨敢不上聞
讀詞

按如詞言志深修奉况逢今序恭演靈文太
極明科九府具慈尤之籍玄都典格三元爲

大宥之期齋功遐及於存亡惠澤旁流於家

國 等執相携率修設壇場燈燭香花質心
三界紋縉法信騰款諸天所期大道圓通躬

精誠而降福至真冥應隨懺滌以垂光使飛
天神人齋九龍符命歷下三界開告四司紀

錄齋功證明丹禱以今早朝行道請法衆等
運茲初捨上香

願此香煙騰空徑上供養
無上至真道寶 等歸身歸命首體投地仰

依
太上三尊願以是功德歸流社稷尊靈宗廟
先聖登真金闕遊宴玉京侍聖祖於上官貽

福祥於寶胤
皇帝蓬壺比壽舜禹齊功調玉燭而睦華夷

爾珠璣而靜天地六官妃后內德欽明太子
諸玉瑤枝克茂文階武列俱傾忠孝之心四

海萬方同混卑善之化今故燒香自歸依
師尊大聖衆至真之德得道之後升入無形

和與道合真
以今早朝行道請法衆等運茲二捨上香

願此香煙騰空徑上供養

無上至真經寶 等歸身歸命首體投地仰

依
太上三尊願以是功德歸流齋主 某家九祖
七玄三師四友克辭幽夜昇觀光明浴神流

火之池騰質明霞之殿超升上境福祐見存
及三塗五道之中六趣九幽之內息罪書之

目除簡對之文未出沉淪盡蒙開度今故燒
香自歸依

師尊大聖衆至真之德得道之後升入無形
和與道合真

以今早朝行道請法衆等運茲三捨上香
願此香煙騰空徑上供養

無上至真師寶 等歸身歸命首體投地仰

依
太上三尊願以是功德歸流齋主 某家過社
獨銷災衰寧息南宮注祿東斗增年春屬咸

宜積祥光卒然後合靈有識動植飛沉俱承
渙汗之恩並陟逍遙之境今故燒香自歸依

師尊大聖衆至真之德得道之後升入無形

和與道合具

禮方

懺悔

各思九色圓象咽液命魔吞

步虛旋遠

稽首禮太上 燒香歸虛無 流明隨我迴

法輪亦三周 玄願四大興 靈慶及王侯

七祖生天堂 煌煌耀景敷 嘯歌冠太漢

天樂適我娛 齊簪無上德 下仙不與儔

妙想朗玄覺 說說乘虛遊

旋行躡雲綱 乘虛步玄紀 吟詠帝一尊

百關自調理 俯命八海量 仰携高仙子

諸天散香花 蕭然靈風起 宿願定命根

故致標高擬 歡樂太上前 萬劫猶未始

嵯峨玄都山 十方宗皇一 岌岌天寶臺

光明焰流日 焯焯玉林華 倚璿耀朱質

常念餐元精 鍊液固形質 金光散紫微

窈窕大乘送

三禮

臣等至心稽首禮

太上無極大道

臣等至心稽首禮

三十六部尊經

臣等至心稽首禮

玄中大法師

重稱法位

具位 臣等謹重伸上啓

太上無極大道元始天尊太上大道君太上

老君玄中大法師三師君上相上宰四司五

帝三界官屬一切真靈臣等塵陋凡微積生

善會玄風普扇真教遐宣寶象琅書降三清

而演化龍文鳳詔該萬聖以傳真仰荷師寶

威蒙稟受而未修勵克保飛昇唯在立功

度人濟物報至道裁成之德酬乾坤覆載之

仁凡有歸心所宜開奏齋主其伏聞三元品

格上聖垂文乃天元改候之期定三官肆赦

之日幽明蒙祐動植沾恩竊惟報主報親莫

先於建福為家為國莫大於齋功所以稽首

靈壇歸心上聖齋持法信崇建道場玉珮珠

旛雜靈儀而燦爛鐘鐃鳳磬引仙唱以虛徐

具聖遐臨誠祈上達伏冀寶薰大寶孚祐帝

圓鳳曆增延龍儀克固

皇帝聖超義暉仁格唐虞為寓宅心九圓順

化三邊肅靜永無烽燧之勞八極昭融長有

梯航之貢太平帝業輝映無疆星辰順軌於

九天風雨均調於四序兵戈疾疫無撓於黎

元水旱火蝗不興於國今次乞齋主家九玄

開度五族協和南昌題積善之名北府落過

尤之錄災衷不作福祐維新增祿祿於天官

益延齡於仙府然後寒庭積夜之境鄴郡泉

曲之鄉變幽牢為清淨之居化地獄為虛無

之域羣生遵性品類昭懸地久天長永臻道

化上明

天尊廣濟之澤下副臣等歸命之誠謹啓

以聞

發念

一念為道四大合德齋主七世父母免墮憂

苦上升天堂衣食自然

二念帝王國主道化興隆庠序濟濟皇教恢

弘威儀翼其普天所瞻民稱太平四夷賓

伏妖惡自滅聖賢自生

三念法師功德大建教化明達俱獲飛仙

四念同志學人早得仙道更相開度

五念九親和睦好尚仁義貴道賤財行為物

範

六念損已布施道士及饑寒者天下人民各

得其所

七念蠕動跂行一切衆生咸蒙成就

八念救貫前生今世罪對立功補過

九念家門隆盛宗廟有人世生賢才

十念尊受經師不敢中怠平等一心廣度一

切剋獲上仙白日登天拜見太上永成真

人雲車羽駕和與道合真

復爐

香官使者左右龍虎君侍香諸靈官當令

行香之所自然生金液丹碧芝英百靈衆真

交會在此洞案爐前令臣學道得道求仙得

仙十方仙童玉女接待香煙傳臣向來所啓

之言速達徑御

太上無極大道無形無名虛無自然金闕玉

陛下

出戶

太上黃錄齋儀卷之三十二

正一天師清微弟子 洪百堅 製作

道教學術資訊網站

太上黃錄齋儀卷之三十三

歸九

唐廣成先生杜光庭 剛

三元中分行道

入戶

各禮師存念如法

衛靈

誦歌空洞 帝君存壇 五帝枚錄

受符三官 備衛四門 東魔去奸

流鈴擲火 除穢焚殘 身佩金書

鍊液芝顏 玄虛素合 心動三關

騎獅跨鶴 控龍乘鸞 萬星守舍

千魔不干 道炁長存 萬仙委安

鳴法鼓二十四通

無上玄元太上道君召出臣身中三五功曹

左右官使者侍香金童傳言散花玉女五帝

直符直日香官各三十二人出出者嚴裝開

啓玄壇天帝神君當召此間土地里域真官

正神以今奉為入齋願得玉階道炁靈寶妙

光下降流入等身中令臣所啓之言速達

徑御